

## OILAVIY MUNOSABATLARNING O'SMIR RUHIYATIGA TA'SIRI

Xolmuminova Umida Ixtiyor qizi  
Osiyo Xalqaro universiteti magistranti.

O.R.Avezov  
Ilmiy rahbar.

<https://doi.org/10.5281/zenodo.11076408>

**Annotatsiya.** Maqolada oilaviy munosabatlarning o'smir ruhiyatiga ta'sirida agressiv xulq atvor shakllanishi, shaxs taraqqiyotining ma'lum bir bosqichlarida agressiv (tajovuzkor) xulq-atvorning shakllanishi va namoyon bo'lishi tahlil qilingan.

**Kalit so'zlar:** Agressiya va agressiv xulq-atvor, shaxs agressiv xulq-atvorining shakllanish sharoitlari, oilaviy munosabatlar, agressiya va delinkvent xulq-atvor, o'smir ruhiyati, ota-onasi.

### THE INFLUENCE OF FAMILY RELATIONS ON ADOLESCENT PSYCHOLOGY

**Abstract.** The article analyzes the formation of aggressive behavior under the influence of family relations on the adolescent psyche, the formation and manifestation of aggressive (aggressive) behavior at certain stages of personality development.

**Key words:** Aggression and aggressive behavior, conditions of formation of aggressive behavior of a person, family relations, aggression and delinquent behavior, adolescent mentality, parents.

### ВЛИЯНИЕ СЕМЕЙНЫХ ОТНОШЕНИЙ НА ПОДРОСТКОВУЮ ПСИХОЛОГИЮ.

**Аннотация.** В статье анализируется формирование агрессивного поведения под влиянием семейных отношений на психику подростков, формирование и проявление агрессивного (агрессивного) поведения на определенных этапах развития личности.

**Ключевые слова:** Агрессия и агрессивное поведение, условия формирования агрессивного поведения личности, семейные отношения, агрессия и делинквентное поведение, подростковая психика, родители.

### KIRISH

Qadimgi davrlardan boshlab sharq mutafakkirlari Abu Nasr Farobi, Abu Rayhon Beruniy, Ibn Sino, Kaykovusning asarlaridayoq shaxs tarbiyasi va uning kamolotida oilaviy tarbiyaning o'rni yuqori qo'yilgan. Ayniqsa oilada farzand tarbiyasida axloqiy va aqliy tarbiyaga jiddiy e'tibor berilgan. Jumladan, Ibn Sino oilaviy tarbiyaning umumiylashtirishini bayon etishga harakat qilgan. "Agar oila tarbiya usullaridan to'g'ri foydalansa, o'z hayotida baxtga erishadi" -deb yozgan edi olim.

Bugungi kunda jamiyatimizda yoshlarga bo'layotgan e'tibor juda ham yuqori bo'lib bormoqda lekin akasriyat yoshlarni xulq atvorida qo'pollik va jizzakilik agressiv harakatlar namoyon bo'lmoqda. Bunday agressiv xulq atvor shakllanguncha bo'lган davrga e'tibor berib o'rganilsa oilaviy muhitga borib taqaladi.

Hozirgi kunda agressiya holatlarini namoyon bo'lishiga bo'lgan ilmiy qiziqishlar sezilarli darajada ko'paydi. Psixologlar agressiya holatining tadqiq qilishda uni keltirib chiqaradigan omillarni aniqlashga, oilaviy munosabatlar o'rganishga harakat qilmoqdalar. Chunki agressiya holati psixologlar nuqtai nazardan juda chuqur holat bo'lib, uni sabablari birdan yoki to'satdan yuzaga keladigan turtkilar bo'lmay, balki uzoq vaqt davomida ta'sir etadigan omillar natijasida

yuzaga keladi. Ko'p xollarda ota-onalarning munosabatlari o'smirlik davridagi yoshlar ruhiyatiga ta'siri ko'proq hisoblanadi.

Aynan oila bag'rida farzand boshlang'ich ijtimoiylashuvni oladi. Oilada a'zolarining munosabatlari misolida u boshqalar bilan muloqot qilishga o'rghanadi, xulq-atvori va munosabatlar turlarini tushunib boradi, bu tushunvhalar uning o'smirlik va balog'at yillarida saqlanib qoladi.

Ota-onaning farzandining noto'g'ri xatti-harakatiga nisbatan reaksiyasi, ota-onalar o'rtasidagi munosabatlar xususiyatiga, oiladagi uyg'unlik kelishmovchilik darajasi uning balog'at yillarida atrofdagilarga nisbatan munosabatlariga ta'sir etuvchi omillardir.

Oilada sog'lom muhit turmush tarzini barqarorlashtirish, farzandlarini barkamol etib tarbiyalash, oilaning tarbiyaviy va ijtimoiy rolinini bajarish o'smir ruhiyatida juda katta ahamiyatga ega.

Sharqda oilaning e'zozlanishi, oilaviy munosabatlar, ayniqsa har bir oila a'zosining o'zaro muloqotiga jiddiy e'tirof berilishi haqida juda ko'pgina manbalarda izoh berilgan. Oilada er-xotin o'rtasida bir birini tushunmaslik yoki tan olmaslik oqibatida kelib chiqadigan nizolar, urush janjal xattoki ajrim holatlari bugungi kunda ko'paymoqda. Bunday holatlar bilan ulg'aygan o'smir yoshlarda ruhiyatida sezilarli bir qancha aggressiv o'zgarishlar namoyon bo'lmoqda.

### ASOSIY QISM

O'smirlik davri yosh davrlari orasida o'zining shiddatli kechishi bilan boshqa yosh davrlaridan keskin farq qiladi. O'smirlik davri 10-11 yoshlardan 14-15 yoshlargacga bo'lgan davrlarni o'z ichiga oladi. Bu davrda boshqa yosh guruhlaridan shiddatli kechishiga sabab, o'smirlik davri organizmida ham biologik, ham psixologik, hamda fiziologik jihatdan o'zgarishlar bo'ladi. Bu o'zgarishlar o'smir yoshning xulq-atvorida, ruhiy holatida ham namoyon bo'ladi.

O'smirlik davrida ota-onalar va bolalar o'rtasida nizoli vaziyatlar yuzaga keladi. Ota-onalarda o'smir farzandlarida yuzaga kelayotgan o'zgarishlar haqida ma'lumot yetishmasligi, o'smirdagi o'zgarishlarini erkakliklaar sifatida e'tirof etish nizoli vaziyatlarni yanada keskinlashishiga sabab bo'ladi. Ba'zi oilalarda ota-onalar 13-14 yoshdagi o'smir farzandlaridagi muqarrar ravishdagi o'zgarishlarni sezmaydilar. Oiladagi oilaviy munosabatlarning turlichaligi, ota-ona yaqinlari bilan kam muloqot qilish, o'zida kechayotgan hislari bilan bo'lishmasligi o'zaro bir birini tushunmaslik natijasida ayrim o'smir yoshlarimizda aggressiv holatlar namoyon bo'lishini ko'rshimiz mumkin. Ayniqsa ota-onaning o'zaro kelishmovchiliklari, ota-onaning farzandining noto'g'ri xatti-harakatiga nisbatan reaksiyasi, ota-onalar o'rtasidagi munosabatlar xususiyati oilada va undan tashqarida o'smirning aggressiv xulq-atvorini belgilab beruvchi, uning balog'at yillarida atrofdagilarga nisbatan munosabatlariga ta'sir ko'rsatuvchi omillardir.

Afsuski, ayrim oilalarda o'z ota-onasining mehr oqibatidan bebahra o'sayotgan bolalar ham yo'q emas. Bunday oilalarda ota-ona bilan fazrand o'rtasidagi munosabatlarning ijobiy psixologik emasligi achinarli holdir. Aksariyat ota-onalar o'z farzandlari tarbiyasiga g'amxo'rlik, mehribonlik, sabr-toqat, mehr kabi xislatlar bilan yondashish o'rniga kuch, ayniqsa, jismoniy jazo usuli bilan ta'sir o'tkazadilar. O'z navbatida, bu kabi xatti-harakatlar bolalarda aggressiv xulq-atvorning shakllanishiga zamin bo'ladi.

O'smirlardagi aggressiya nafaqat pedagoglar va psixologlar, balki butun bir jamiyat uchun birmuncha o'tkir muammolardan biri hisoblanadi. Inson hayotining ijtimoiy-iqtisodiy sharoitlari, hayotning yuqori ritmi, shaharlarning zichligi, ortib borayotgan axborot vositalari insonlar psixik

holatiga o‘z ta’sirini ko‘rsatmoqda. O‘smirlar jinoyatchiligining o‘sib borayotgan oqimi va axloqning tajovuzkor shakliga moyil bolalar sonining ortishi bunday xavfli ko‘rinishlarni uyg‘otuvchi psixologik sharoitni o‘rganishni birinchi darajali ahamiyatga ega bo‘lgan vazifa sifatida ilgari surdi. Tajovuzning u yoki bu shakllari ko‘pchilik o‘smirlar uchun xarakterlidir, biroq ma’lumki, muayyan kategoriyadagi bolalarda tajovuzkorlik axloqning turg‘un shakli sifatida nafaqat saqlanadi, balki shaxsning turg‘un sifatiga transformatsiyalangancha rivojlanadi ham, natijada bolaning mahsuldor potensiali pasayadi, to‘laqonli kommunikasiya imkoniyati torayadi, uning shaxsiy rivojlanishi deformatsiyalanadi. Mana shunday holatlarnin oldini olish maqsadida ota-oanlar farzandlari bilan ko‘proq vat o‘tkazishi birgalikda yechim topishlari kerak. Agressiv o‘smir nafaqat atrofdagilarga, balki o‘ziga ham bir talay muammolar keltiradi.

Tajovuzkorlik shaxsning turg‘un shaxsiy chizig‘iga aylanmasligi uchun bola axloqining xususiyatlari va hissiy holatini tushunmoq, o‘z vaqtida psixokorreksion ishni tashkil eta olmoq darkor. O‘smirlarning tajovuzkor axloqini o‘z vaqtida aniqlash bola shaxsining rivojlanishidagi noxush variantning oldini olish uchun juda zarur hisoblanadi. O‘smirlilik 10-11 yoshlardan 14-15 yoshlargacha bo‘lgan davrni tashkil qiladi. O‘smirlilik bolalikdan kattalikka o‘tish davri bo‘lib, fiziologik va psixologik jihatdan o‘ziga xos xususiyatlari bilan xarakterlanadi. O‘smirlilik davrida o‘smirning “men”i qaytadan shakllanadi. Uning atrofdagilarga, ayniqsa, o‘z-o‘ziga bo‘lgan munosabati, qiziqishlari, qadriyati yo‘nalishi keskin o‘zgaradi. Ularda ilgarigi qiziqishlar so‘nadi va yangi qiziqishlar paydo bo‘ladi. Bunda ish qobiliyatining, o‘zlashtirishning pasayishi, o‘smirlarning qo‘polligi va yuqori qo‘zg‘aluvchanligi, o‘zidan qoniqmasligi, agressiya, xavotirlanish kayfiyat beqarorligi, depressiv kechinmalar, tez ranjish, arzimas narsaga ham kuchli reaksiya bildirish, o‘zini past baholash kabi salbiy xulq-atvor ko‘rinishlari namoyon bo‘ladi.

O‘smirlilik davrida bolalar hissiy jihatdan beqaror bo‘lib qoladilar. Psixologlar buni gormonal o‘sish, tanani qayta qurish, balog‘atga yetish kabi biologik omillar bilan bog‘laydi.

Ammo ba’zi hollarda hissiy o‘zgarishlar radikal shakllarga ega bo‘lib, agressiyaga aylanishi mumkin. Agar o‘smir o‘z agressiyasi bilan yolg‘iz qolsa, bu uni buzg‘unchi jamoalarga olib kirishi va natijada huquqbuzarliklarga olib kelishi mumkin. Oddiy kundalik hayotda agressiya - zo‘ravonlik yoki raqibni yengish uchun vosita sifatida qo‘llaniladi. Agressiya tushunchasining o‘ziga izoh berish qator qiyinchiliklarni tug‘diradi, chunki bu termin ko‘plab xatti-harakat shakllarini o‘zida qamrab olgan. Odamlar biron-bir kimsani agressiv shaxs sifatida tavsiflaganlarida, uni boshqalarni haqorat qiluvchi, badfe'l, barcha narsani o‘zi istaganidek qilishni istaydigan, o‘z g‘oyalarini qat’iy himoya qiladigan, yechimi yo‘q muammolar girdobiga o‘zini giriftor qiladigan inson, deb ta’riflashlari mumkin. Agressiyaga nisbatan berilgan bunday ta’rif to‘g‘ri yo noto‘g‘riligini bilish uchun bu tushunchaga oydinlik kiritish lozim.

Oilaviy muhitning nosog‘lomligi. Oilada ota-onalari va farzand o‘rtasidagi nizolar, o‘zaro bir-birini tushunmaslik holatlari, oiladagi rahbarlik uslubining to‘g‘ri yo‘lga qo‘yilmaganligi va noto‘liq bo‘lgan oilalarning mavjudligi o‘smirlarda agressiyaning paydo bo‘lishiga olib keladi.

Agressiv xulq-atvor natijasi qotillikkacha olib borishi mumkin. Tadqiqtichilardan biri bo‘lgan F.Getting qotillar ko‘p hollarda to‘liq bo‘lmagan oilalardan chiqqanini aniqlagan. Uning “Oiladagi agressiv bolalarni o‘rganish” bo‘yicha olib borgan maxsus tadqiqtining natijalariga ko‘ra, noto‘liq oilalarda o‘ta qahrli, qo‘pol, agressiv va shu bilan birga voyaga yetmagan

jinoyatchilar kelib chiqayotganligini alohida ko'rsatib o'tgan. Uning ta'kidlashicha to'liq oilalarda ham, noto'liq oilalarda ham sog'lom yoki nosog'lom oilaviy muhit mavjud bo'ladi.

Oiladagi doimiy janjallar, mojarolar oilada nosog'lom muhitni vujudga keltiruvchi bosh omillardir.

- O'smir bilan ota-onasi, yaqinlari tez-tez ularning hayotdagi maqsadlari haqida gaplashishi;
- Oilada ota-onas tajovuzkorlik darajasini iloji boricha pasaytirish;
- Ishonchli munosabatlar o'rnatish;
- O'smirning sevimli mashg'ulotlari bo'lsa, uning quvvatini shu tomonga yo'naltirish, uni yutuqlari va mehnatsevarligi uchun doim maqtab rag'batlantirib turish lozim.

Demak, hozirgi kunda o'smirlarda namoyon bo'layotgan agressiv harakatlarlaning paydo bo'lish sabablarini aniqlash, destruktiv xulq-atvorning oldini olish muammolarini ilmiy o'rganish shuni ko'rsatadiki, inson tabiatidagi bu ko'rinishni chuqur o'rganish psixologiya fanining bugungi kun talabiga aylanib bormoqda.

### XULOSA

Yuqorida ta'kidlanganidek, hayotda ko'plab namunali va obro'li ota-onalarimiz ko'p. Agar ota-onas halol mehnat bilan mashg'ul bo'lsa, bola ularni hurmatlashga majburdir. Ba'zan esa ishda juda yaxshi mutaxassis bo'lган ota-onalar bolalariga namuna bo'la olmaydi.

Natijada ular bilmagan holda shunday oilalarda ishyoqmas ko'cha bezori, erkatoylar etishadi. Nazarimizda bolalari bilan do'st, ularga diqqat-e'tibor bilan qaraydigan, qayg'ulariga hamdard, xursandchiliklariga sherik bo'luvchi bolalarga ma'naviy ko'maklashuvchi ota-onalargina haqiqiy ma'noda namuna bo'la oladi.

Bizningcha, ota-onalar o'zlarida quyidagi sifatlar bilan o'zaro farzandlariga namuna bo'lishlari lozim:

1. Ota-onalarning axloqiy jihatdan shaxsan namuna bo'lishlari;
2. O'zlariga topshirgan ishni ma'suliyat bilan bajarishlari;
3. Bolalar tarbiyasidagi ma'suliyat va burchini his qilishlar;
4. Mehnatda shaxsan namuna ko'rsatishlari;
5. Barcha farzandlarini teng ko'rishi;
6. Farzandlarining xarakter xususiyatlarini yaxshi bilishi;
7. Bolalarga tarbiyaviy ta'sir ko'rsatishning turli, usul va vositalarni yaxshi bilishi hamda ulardan oqilona foydalana olishi;
8. O'z obro'sini oilada doimo saqlashi;
9. Farzandlarini doimo foydali mashg'ulotlar bilan band qilishlar;
10. Oila xo'jaligini mohirlik bilan boshqara olishlari;
11. Oila tarbiyasini ijtimoiy-iqtisodiy tarbiya bilan bog'lab olib borishi;
12. Ota va ona talablarida birlikning bo'lishi;

Oila, tarbiyaning asosi, makoni va poydevoridir. Bolaning kim bo'lib yetishishi, asosan, oiladagi muhitga – tarbiyaviy ta'sirga bog'liq. Oila tarbiyasining samarasi bevosita oilada ota-onalar obro'si va shaxsan namuna ko'rsatishlariga bog'liq. Yusuf Xos Hojib "Qutadg'u-bilig" asarida oilaviy tarbiya-bolalarning axloqiy qiyofasini shakllantirishda eng asosiy narsa ekanligini

alohida ta'kidlaydi. "Mabodo, bolalarning xulq-atvori yomon bo'lsa, bunda gap bolada emas ota aybdor", - deydi.

Bu fikrdan har bir oilada ota-onalar o'z farzandlariga doimo barcha sohalarda namuna bo'lishlari shart degan g'oyani uqish mumkin.

Haqiqatdan ham, oila tarbiyasida ota-onalar obro'si va namunasi bolalarni to'g'ri tarbiyalashning manbai hisoblanadi.

Agressiv xulq-atvor hozirgi paytda o'qituvchi va ota-onalarni o'ylantirib kelayotgan dolzarb muammo bo'lib kelmoqda. Chunki bunday psixik buzilishlarga uchragan bolalarda: maktab dasturini o'zlashtira olmaslik, darslarda sust ishtirok etish, ba'zida umuman matabga kelmay qolish, o'rtoqlari va tengdoshlari bilan tez-tez nizolarning kelib chiqishi, ba'zan ochiqdan-ochiq janjallahish, qo'liga tushgan narsalar bilan tajovuz qilish, parishonxotir va bee'tibor bo'lib qolish g'azab va jahning paydo bo'lishi hollari ko'rinadi. Bunday vaziyatda o'qituvchi va ota-onalarga psixologning xizmati va aralashuvi kerak bo'ladi. Maktab psixologi ana shunday bolalarni maxsus metodikalar yordamida aniqlab kerakli chora-tadbirlarni, diagnostik va korreksion ishlarni olib borishi lozim. Qiyinchiliklar va to'siqlar o'quvchilar yenga oladigan bo'lishi kerak, o'quvchi bu qiyinchiliklarni bartaraf etib, erishgan yutuqlaridan quvonsin.

Bolaning kuchi yetmaydigan, uning yosh xususiyatiga to'g'ri kelmaydigan to'siqlar bola oldiga berk ko'cha paydo qiladi va bola irodasini chiniqtirish o'rniga zaiflashtiradi.

Maktabda bola muttazam ravishda yangiliklar oladi. Bu o'quvchining kundan-kunga orttirib borayotgan xilma-xil mazmundagi bilimlarining manbaidir. Bolaning bilimlarini sistemali ravishda o'zlashtirilib borishi natijasida uning bilim doirasi ham kengaya boradi.

## REFERENCES

1. Nishanova Z.T., Kamilova N.G., Abdullayeva D.U., Xolinazarova M.X. «Rivojlanish psixologiyasi. Pedagogik psixologiya» -Toshkent: 2017, 241-b
2. N.Ismoilova, D.Abdullayeva "Ijtimoiy psixologiya" -TOSHKENT: 2013, 130-b
3. Sh.Mustafayeva. «O'smir psixologiyasi: biz bilmagan jihatlar». Farg'ona-2015, 7-b
4. Олимов Л. ва бошқ. Психодиагностика. – Т., 2014
5. Avezov.O.R , Ta'lim- tarbiya jarayonida agressiv xulqli bolalar ota- onasi bilan ishlashning o'ziga xos psixologik jihatlari. "O'zbekistonda fuqarolik jamiyatni qurish sharoitida shaxs ma'naviy madaniyatini shakllantirishning falsafiy omillarri" // Respublika ilmiy anjuman materiallari// Farg'ona 2017y.B.248-251